


青
山
延
平
著
述
皇
朝
史
畧

福岡第一師範學校
(學校圖書)

登錄 部	第	號
三史科 門		
白 部		
通記	部	部
書	部	部
冊		
分類	第 210	號 8

24711

圖書 和圖書 遡



a 1 3 8 0 3 2 3 6 3 4 a

福岡教育大学蔵書

T1A1

26

A 58

明治十一年第三刻

青山延子著

正續
皇朝史略

製本所

文淵堂
文敬堂

叙

先君義公夙有脩國史之志
置彰考館於邸中搜索名山
聘招俊才上據正史下採野
乘整齊紛亂網羅

舊聞革編年之制倣史記
之體成一家之說實千古
之良史萬世之龜鑒也然
而志表未成校訂未訖故
雖記傳既成未公於天下

議者憾爲世之學者徒閱
異邦之卷冊未諳

聖朝之故事故往往謬誤
以

皇胤爲吳太伯之後者有

之以

本朝為倭奴者有之至其
甚者浮屠氏之說齊佛法
於王法有志之士所尤慨
歎也余亦竊恨之史臣青

山延于博覽多識累世業
儒諳練史學又能屬文嘗
依據本史取捨節略以作
此書名曰史畧余置之坐
右反復披閱嘉其便初學

然西土既有史畧之書如
我

皇朝

聖之相繼數千百年豈可
與夫異邦易代更姓者同

日而論哉故命曰



皇朝史畧以示

神州之尊嚴焉又書其梗

槩以弁卷首云爾

文政丁亥春正月

鼎山源齊脩叙



海石村田壽書

皇朝史略序

黃門西山公大開史館延
四方儒士編修國史總括
上下二千歲為十餘萬言
草編年之體創紀傳之制

爲歷世治亂興衰之蹟典
禮沿革之詳彰然如日星
麗天洵萬世帝王資治之
殷鑒也彰考館國史總裁
青山子世三世鴻儒一藩

領袖於書無所不窺尤邃
于史學至論其世則滾滾
不休聽者屈服嘗據

黃門公之史掾要汲詳勒
成皇朝史略一書體裁因

編年筆削宗公議敘事高
古精嚴務剗繁縟一歸簡
質展覽間厯世治亂成敗
人臣功罪之蹟典章文物
因革損益之大犁然如指

諸掌也乙酉仲夏訪余村
居而索序其首余草茅懼
儒自分寒素况老病日加
語言支離而廁名縉紳自
揣贅列甚矣子世不肯曰

學問之道何論貴賤固以
為請乃妄搽翰書之并記
余榮云

丈政乙酉夏五月

龜田興謹識



皇朝史畧序

史豈易作哉自非兼備三長而不拘四患者則
五難之目或不難免故以遷固之學之文猶且
有記繁而志寡之誚何況其他乎然其人胸羅
全史眼高一世筆削次第不藉眾功後世之史
雖或出於衆手者亦各用所長以成一家言但
辭之繁簡以事文之今古以時則其間雖詳略
不同得失互有要皆足稱一代之良矣然其一
代事蹟所見異辭所聞異辭所傳聞又異辭况

且碑版案牘多傳軼事野史小說間存遺聞一出入孰信孰偽國是不定公論焉在豈當總會之為難哉成亦未易也而作史之家去取予奪以一筆自任則外謬漏落不能免後人指摘也故曰作史難史豈易讀哉若善讀史者上下數千年出入數十史窮源竟委巨細靡遺別其同異審其得失刊其誤舛其闕欲以救諸史之失而為一代實錄也又且謂全史卷帙浩繁不易周覽況復事蹟錯出本末難審觀者望洋莫

知津涯是豈作者本意哉但其紀傳之體不得不然於是乎會萃諸史為編年之體通鑑其詳而備者也史略其簡而要者也書殊體裁人易觀覽斯蓋非其作史之才與學與識者又焉能得敘事簡明詳略協體裁故曰讀史亦難皇朝自六國史而下私史家乘代不乏書古事文獻可徵及

王室中興武矣為政史非其人書失其體言皆瑣碎事必叢脞識小而遺大詳內則略外識者

不能無遺憾焉 水戶黃門義公大開史局
廣集群儒訪金匱之秘探名山之藏軼事遺聞
網羅殆盡作大日本史二百四十六卷其文則
史其義則 公竊取之凡事闕名教者特秉
鴻裁以扶明大義其體大而思精不但稱實錄
而已然而謙光之至不欲以作者自居藏諸書
府未經刊行其原稿散落在人間者輾轉傳寫
漸失面目猶且流傳不廣購求非易有志之士
徃徃恨焉今史館總裁青山君拙齋學問淵博

才識宏遠為文精核而有體要嘗嘗皇朝史畧
十二卷其辭約而直暢文省而事備舉數千年
治亂興廢與夫典章經制之沿革興除首尾該
貫逐年為編使觀者瞭然如燭照而計數為其
惠後學大矣後之讀史者先讀史略然後讀全
史史豈難讀哉即使不能一睹全史亦能讀史
畧而審 治 亂所由大經大法所存則固與
全史無異也而有志之士亦可以無限矣然則
如史畧者可不梓而傳乎又可无序而言乎故

序

文政丙戌冬十月

江戸後學朝川鼎謹撰

新鴻卷大任書

序

夫史者所以辨得失明是非也無史則已苟有
史則使是非得失治亂興衰之迹瞭然於卷冊
之間庶乎可以為良夫也

本朝日本紀以後世有實錄然史官書當時之
事不能無隱諱而是非得失頗有失其實者六
國史以後世無正史裨官野乘紛然雜出是非
淆亂莫以折衷後世何以考信哉我

義公憂之實始脩國史叡紀傳之體罔羅古今

錯綜諸說以成一家之言闡幽微顯使是非得失之迹粲然可觀真可謂不刊之典矣延于不敏承乏詩罪史館校訂國史與修諸志因得徧窺

本朝之載籍於是隙枅舊史旁攷釋宮野乘約為史畧以授童蒙雖記載無統挂一漏萬然於攷治亂得失之迹亦可觀其大畧也延于嘗商推古今以謂天下之大勢蓋三變矣上古封建之時世質人朴天下奉灋政出

王室至大化始置國司郡領封建悉廢天下之勢一變矣大宅以後制度大脩典章可觀然外戚寢盛政歸攝關天下之勢又一變矣保平以降

王室失馭武臣專政諸國置守護地頭而與殺之權悉歸關東天下之勢至是又大變矣此廼讀史之關鍵而斯書之要領也若夫綱目兼舉本末畢備則有全史在焉豈斯書之所能盡哉雖然以管窺豹雖未見其全軀亦足以知其一

班以指探鼎雖未嘗其全味亦足以得其一臠
則史畧之書亦可少裁文政壬午秋八月

青山延于謹序

凡例十則

一 大冊本史校刻粗就漸經進奏然未廣布人間且其
書卷帙浩瀚初學之士不便披閱今乃竊節略以為
史略但其攷本書之出典更加訂補其詳略取捨不
必依紀傳之舊非敢私改竄不刊之典讀者諒諸
一 是編躰裁倣十八史略及十九史略然一書或係年
或否難以為準今是編推古已前未行曆法則繫不
係年月從古事記書法推古十二年始行曆法自是
已後係以年月云

一除正史之外悉註出書以便考索若日本後紀殘缺不完參以紀略故雖正史註其所出以別之

一三公除拜罷薨皆書其餘除拜薨卒有關係者書之一書某某之子或孫或弟之類依通鑑例使讀者知世系之所自

一本史悉舉諸書異同而史略之體務從簡約故今不悉註焉

一編多採本史所逸者以廣見聞

一原始有關係者書之無關係者不悉書焉

一應承已後別為後編

一本史所引用諸書多者採其要者他從省略

皇朝史略卷之

水府史臣青山延于著

男 延光校

神武天皇諱彥火火出見天祖大日靈尊治高天原實
有明德照臨六合是為天照大神大神之子曰正哉吾
勝勝速日天忍穗耳尊忍穗耳尊生天津彥彥火瓊瓊
杵尊天祖以八坂瓊曲玉天叢雲劍及八咫鏡賜之世
世傳以為室瓊瓊杵尊降居日向高千穗峰娶大山祇
女木華開邇姬生彥火火出見尊彥火火出見尊娶海

神豐玉彦女豐玉姬生彥波瀲武鸕鷁草不合尊帝
其第四子也母曰玉依姬生而明達年十五為太子年
四十五在高千穗宮高千穗宮據古事記時西州已服東國未平
長髓彥奉饒速日命為主兄猾弟猾八十梟帥兄磯城
弟磯城等各為君長不相統一帝與諸兄及皇子謀起
師征之至吉備國造行宮居之三歲備舟楫蓄兵食遂
帥舟師東下歷浪速河內勒兵赴龍田路險隘不得並
行欲東踰膽駒山而入中州長髓彥盡眾徼之孔舍衛
坂與戰不利皇兄五瀨命中流矢師不能進帝以為我

日神子孫而向日征虜不祥也不若退還示弱背日而
討之乃引還五瀨命道甕進至紀伊誅名草戶畔遂經
狹野抵熊野絕海而進遇暴風漂蕩皇兄緇飯命三毛
入野命憤恚自投海帝獨與皇子手研耳命進至荒坂
津誅丹敷戶畔又進至菟田誅兄猾弟猾納款進擊八
十梟帥於國見岳兄磯城於墨坂斬之遂進討長髓彥
饒速日命殺長髓彥以降中州悉平乃奠都於大和橿
原遂即天皇位○道臣命帥來日部護衛宮門道臣以下古語
遺道臣命初名日臣命從帝東征至熊野帝欲進入中

州山路險絕不得前日臣命帥來目部披榛通道遂達
菟田下縣帝嘉之因賜名道臣○初可美真手以其所
傳天瑞寶獻於帝帝嘉之殊加寵異又率天物部討賊
有功至是奉瑞寶暨神盾又奉布都主神劍於殿內為
帝鎮祭帝乃命宿衛殿內因號足尼足尼之號自此始
也初以下舊事記可美真手饒速日之子也○高倉下紀伊熊
野人帝之誅丹敷戶畔也妖神吐毒衆咸迷倒高倉下
夢天照大神謂武甕雷神曰葦原中國擾亂未息汝往
征之武甕雷神對曰降予平國之劍則國將自平矣乃謂

高倉下曰我有劍名師靈今置之汝庫中宜取而獻之
天孫明且入庫視之果得靈劍即至軍獻之時帝適寐
及高倉下至忽寤衆亦尋起竟平群兇○封推根津彥
為倭國造弟猾為猛田縣主初帝東征至速吸門有漁
人來迎名曰珍彥帝命為鄉導賜名推根津彥及至菟
田賊兵據守險要道梗不通帝夢有神誨曰宜取天香
山土以造天平瓮及嚴瓮敬祭神祇則虜自平矣會弟
猾上言亦与夢協乃使推根津彥及弟猾往取天香山
土時賊兵充塞推根津彥等羸服微行遂獲土而還帝

大喜乃造八十平瓮嚴瓮祭神祇於丹生川上賊果平
至是帝錄功封之○詔作時於鳥見山祭皇祖天神○
帝巡幸登腋上嘽間丘望地形曰美哉國也似蜻蛉之
銜尾矣由是始有秋津洲之號蜻蛉秋津訓讀相通○立皇子神
渟川耳尊為皇太子○帝在位七十六年崩壽一百二
十七葬畝傍山東北陵太子立是為綏靖天皇
綏靖天皇神武帝第三子也母媛蹈鞬五十鈴媛皇后
帝天姿岐嶷少有雄氣及長沉毅善武技性至孝在諒
闇悲慕無已委庶務於庶兄手研耳命手研耳命久典

樞機威福由己潛圖不軌帝知而密為之備及山陵事
畢手研耳命謀除之會手研耳命獨卧窟室
帝手神八井耳命排闥而入使神八井耳命射之戰慄
不能發矢帝乃奪其弓矢射而殛之○都於葛城是謂
高丘宮○立磯城津彥玉手看尊為皇太子○帝在位
三十三年崩壽八十四太子立是為安寧天皇
安寧天皇綏靖帝子也母五十鈴依媛皇后○遷都片
鹽謂之浮孔宮○立大日本彥耜友尊為皇太子在位
三十八年崩壽五十七太子立是為懿德天皇

懿德天皇安寧帝第三子也母淳名成仲媛皇后○遷

都於輕謂之曲峽宮○立觀松彦香殖稻尊為皇太子

在位三十四年崩壽七十七本書亨年闕古事記曰四十五歲今按本書立為太

子年十六之文推之從水鏡皇太子立是為孝昭天皇代記皇年代畧記神皇正統記

孝昭天皇懿德帝子也母天豐津媛皇后○遷都掖上

謂之池心宮○立日本足彥國押人尊為皇太子在位

八十三歲崩壽一百十四本書亨年闕今按本書立為太子年十八之文推之從水

鏡皇代記皇年代畧記神皇正統記太子立是為孝安天皇

孝安天皇孝昭帝第二子也母世襲足媛皇后○遷都

於室謂之秋津島宮○立大日本根子彥太瓊尊為皇

太子在位一百二年崩壽一百三十七歲本書亨年闕古事記曰一

百二十三歲今按立太子年從水鏡皇代紀皇年代畧記太子立是為孝靈天皇

孝靈天皇孝安帝子也母押媛皇后○遷都黑田謂之

廬戶宮○立彥國牽尊為皇太子按神皇正統記曰泰始皇遣使求不死藥

然舊史不取在位七十六年崩壽一百二十八歲本書亨年

載故今不取在位七十六年崩壽一百二十八歲今按古事記曰一百六歲水鏡百三十四正統記百十今

代畧太子立是為孝元天皇

孝元天皇孝靈帝長子也母細媛皇后○遷都於輕謂

之境原宮○立稚日本根子彥大日尊為皇太子在位五十七年崩壽一百一十六歲太子立是為開化天皇

開化天皇孝元帝第二子也母鸕色謎皇后○遷都春日謂之率川宮○立御間城入彥尊為皇太子在位六十年崩壽一百一十一歲太子立是為崇神天皇

崇神天皇開化帝第二子也母伊香色謎皇后帝性聰敏幼有雄略及壯寬弘謹慎恒有經綸大業之志○遷都磯城謂之瑞籬宮○始祀天祖天照大神於倭堂

初天祖以寶鏡賜皇孫曰汝視之當猶視吾且同牀共殿以奉祀焉故歷世祀之殿內至是畏其瀆神建祠豎縫奉安神鏡及靈劍使皇女豐鍬入姬侍祠更造鏡劍以為護身之器奉安鏡劍及造鏡劍據古語拾遺又命皇女淳名城入姬祭大國魂神○帝憂疾疫大行民多死亡於是幸神淺茅原卜之於八百萬神乃祭大物主神命伊香色雄為班幣物者使大田田根子祭大物主神長尾市祭倭大國魂神既而又祭八十萬神定天社國社神地神於是疾疫始息年豐民安○遣大彥命於北陸武瀨川

別於東海吉備津彥命於西道丹波道主命於丹波因
詔曰有不從命者舉兵伐之授印綬以為將軍置將軍
如此將軍始此及發會武埴安彥反欲襲京師即命大
彥命吉備津彥命彥國葦討平之既而大彥命等奉詔
各往四道威德大行○始校人民更課調役○始造船
船○立活目尊為皇太子令豐城命治東國○任那國
始遣蘇那曷叱知朝貢任那去筑紫二千餘里在雞林
之西南○帝在位六十八年崩壽一百二十歲帝崇重
神祇用心民事家給人足天下大治故稱神武天皇

太子立是為垂仁天皇

垂仁天皇崇神帝第三子也母御間城姬皇后幼而岐
嶷及長倜儻有大度崇神帝鍾愛之常置左右嘗謂帝
及豐城命曰朕於二子慈愛無異未知孰為嗣有夢且
告朕以此占之二皇子沐浴而寢明日豐城命入奏夢
登御諸山東嚮弄槍者八擊刀者八帝奏夢登御諸山
巔縋繩四方逐啄粟雀崇神帝諭之曰兄唯東嚮宜治
東國弟臨四方宜繼朕位遂立為太子至是即位○遷
都經向謂之珠城宮○新羅王子天日槍歸化藏其所

齋寶物於但馬土人崇奉謂之出石社出石社古事記 ○狹

穗彦謀反使八綱田將兵討之狹穗彦伏誅狹穗彦皇

后母兄也初狹穗彦潛圖不軌密謂皇后曰夫以色事

人色衰寵馳若使我得志与汝共蒞天下汝長無憂矣

乃以匕首授之使伺帝寐刺之會帝幸來目高宮枕后

膝而寢后思兄言悲泣不禁淚落帝面帝寤謂后曰朕

夢錦色小蛇匝頸有兩從狹穗來沾朕面是何祥也后

悚懼具以實告帝曰是非汝罪也乃使八綱田討之狹

穗彦堅城拒守后曰上吾兄吾何顏復莅天下延龍皇

子奔投城中帝諭狹穗彦使出后及皇子狹穗彦不聽

八綱田遂縱火焚城后使人抱皇子出城遂偕狹穗彦

死城中八綱田豐城入彦之子也豐城入彦子 ○野見

宿稱出雲人天穗日命之裔也以勇力聞時當麻邑有

當麻蹶速タケハヤ臂力絕人常誇其勇以為天下之人無能抗

已者帝聞之求其對或薦野見帝乃召二人命角力野

見蹶速タケハヤ脅腰骨折而斃輒以其田宅賜之○帝使倭

姬代豐トヨ歛入姬祀天照大神倭姬奏遷之於伊勢建齋

宮於五十鈴川上○令祠官卜兵器為祭幣吉乃納弓

矢刀於諸社更定神地神戶以時祭之以兵器祭神始
此○皇后日葉酢媛崩先是皇弟倭彥命薨以其近習
為殉晝夜哀號聲聞于外帝聞而惻之詔禁殉死至是
帝使群臣議之野見宿禰奏請以土偶代之帝嘉之立
為永制以野見任土部職自後土部連世掌人喪云○
令諸國開池溝凡八百以便灌漑民賴殷富○立大足
彥尊為皇太子○按歷代皇紀濫觴於並云是時始遺
不取東夷傳云中元二年倭奴國奉貢朝賀使人自稱
大夫國之極南界也又魏志倭人傳有伊都國日本紀
所謂伊都國即今筑前怡土郡是也伊都倭奴相通據
此則當時倭國之盛可知

茲前人有得古印者又曰倭奴國正之印蓋漢時之所
授也委倭古字通用倭世以倭為音和為日本總稱誤
也○帝在位九十九年崩壽一百四十歲先是帝遣田
道間守末非時查葉於常世國及間守還帝已崩間守
至伏見陵慟哭而死聞者傷惋焉太子立是為景行天
皇

景行天皇垂仁帝第三子也母日葉酢媛皇后帝容貌
雄偉長一丈二寸容貌已下帝嘗與兄五十瓊敷命侍
垂仁帝帝曰二子試言所欲五十瓊敷命曰願得弓矢
帝曰願得大位因賜弓矢於五十瓊敷命謂帝曰汝宜

嗣朕位於是儲位乃定○都纏向謂之日代宮○筑紫
熊襲反車駕親征至日向居高屋宮召群寮議討熊襲
有一臣進曰彼有二女曰市乾鹿文市鹿文有勇且美
宜啗以重幣誘納之使其圖之帝從之招納二女陽龍
市乾鹿文既而市乾鹿文奏曰妾有一計得從兵兩人
足以辦事帝聽之市乾鹿文歸家飲父以醇酒伺其醉
卧密斷弓弦從兵進殺之帝惡其大逆誅市乾鹿文以
妹市鹿文賜火國造襲國悉平帝居高屋宮六十一日
幸丹蒙小野東望彌左和曰果國也自向日出方因號

其國曰日向帝思歸作歌是謂思邦歌○帝發高屋宮
巡狩筑紫從葦北浮海夜冥不知所向望見火光即得
著所帝問曰邑名為何國人對曰八代縣豐村使尋其
火莫知處所故名其國曰火國○遣武內宿禰觀察東
北諸國地形民風武內還奏東夷之中有日高見國男
女推結文身風俗勇悍號曰蝦夷土地膏沃可擊而取
也○熊襲復反命皇子日本武尊討之日本武尊時年
十六將發曰我欲得善射者與之共行或薦美濃弟彥
公日本武尊遣人召之弟彥乃率其國人石占橫立及

尾張田子稻置乳近稻置偕來日本武尊進至熊襲國
察其形勢賊魁名取石鹿文適宴其親族日本武尊被
髮為童女裝置劍裊中入居婢妾之中賊魁見而悅之
延置座側舉杯戲狎夜闌衆散賊魁被酒而臥日本武
尊拔劍刺之未殊曰汝為誰曰我是大足彥天皇之子
名日本童男賊魁曰吾嘗見強勇者未有若皇子者吾
雖賤陋願上嘉號曰日本武尊言訖遂刺殺之自是稱
日本武尊既而分遣弟彥等討滅醜類熊襲悉平○東
夷及帝又使日本武尊征之吉備武彥大伴武日足彥

日本武尊過伊勢拜神宮倭姬以神劍授之進至駿河
土賊欲誘日本武尊殺之乃勸之游獵因縱火燒野日
本武尊鑽燧取火反燒賊徒時挺劍離艸賴以得免由
是名叢雲劍曰草薙云按本書說劍自出叢草今從古事記古語拾遺遂擊
賊藏焉因號其處曰燒津進歷相摸將往土總海上遇
風船將覆沒時妃橘媛從自日本武尊曰海神為祟妾
請以身贖之言訖投海暴風即止遂得著岸自上總轉
入陸奧進至蝦夷境賊酋望風降附蝦夷悉平還至伊
勢能褒野而疾使吉備武彥奏捷京師遂薨于能褒野

時年三十帝大悼惜錄其功為定武部○立皇子稚足
彥尊為皇太子以武內宿禰為棟梁臣○以彥狹島王
拜東山道十五國都督薨于道使其子御諸別王襲職
時蝦夷擾亂御諸別討平之○帝幸近江居志賀謂之
高穴穗宮在位六十年崩于高穴穗宮壽一百有六歲
太子立是為成務天皇

成務天皇景行帝第四子也母八坂入姬皇后景行帝
嘗宴群臣帝及武內宿禰不至召問故對曰百僚宴樂
情在戲游一有急變恐不能禦故待時卜以備非常而

嘉之遂立為太子景行帝崩即位於高穴穗宮○以武

內宿禰為大臣置太臣始此置太臣以下按曆○令國

郡立造長縣邑置按古事記成務紀曰定大國小

和氣及稻置縣主據此則稻置之外又有縣主蓋邑長

稍治租稅者而言則謂之稻置謂知縣界山河分國縣

百姓安居天下大治○立皇姪足仲彥為皇太子在位

六十年崩壽一百有七歲太子立是為仲哀天皇

仲哀天皇日本武尊第二子也母兩道入姬帝容姿端

正身長十尺○以大伴武以為大連置大連始此大伴以下

批曆運記
愚管抄

○詔諸國貢白鳥養之於日本武尊之陵池
初日本武尊之薨也景行帝悲哀詔遣群卿百寮葬之
能狹野有白鳥出北域飛去閱棺視之唯有明衣於是
遣使追尋其鳥集倭琴彈原因造陵於其地白鳥又飛
至河內止舊市邑因又作陵時人號三陵曰白鳥陵至
是帝思慕不已故有是命○行幸角鹿造行宮而居之
謂之角飯宮帝巡狩南國留皇后及百寮於角鹿從駕
者僅數百行至紀伊會熊襲友帝帥舟師親征遣使角
鹿令皇后會于大門造宮室居之謂之豐浦宮○帝幸

筑紫居橿日宮會群臣議討熊襲時有神憑皇后曰西

方有國是謂新羅如熊襲我我當使帝有之如彼熊襲

何足勞師旅乎西方以下參取古事記帝乃登山望海曠遠無所

見帝竟不之信一日帝暴病崩于橿日宮後世立祠以

祀焉謂之橿日廟橿日或作香椎朝廷有事祭告後世以下批

祭告日本紀畧在位九年壽五十二皇后秘不發喪詔中臣鳥

賊津大三輪大友主物部磐咋大伴武以等帥百僚守

衛宮中密令武內宿禰奉梓宮至穴戶殯於豐浦宮皇

后傷帝慢神早崩乃自齋戒再請神教隨教而祭即遣

鴨別言熱襲旬日而服於是決意西征令諸國造戰艦
練兵曰皇后身為丈夫裝執斧鉞令三軍時皇后有身
適當產月乃取石挿腰祝曰願事畢還日免於茲土遂
發和珥津大魚夾船風順船迅不勞擄楫直抵新羅潮
水怒漲溢及國中新羅王波沙寐錦機三國史記東國通鑑為婆娑尼師
此即惶遽不知所為面縛來降乃解其縛遂入其都封
府庫收圖籍以所杖矛樹之國門其矛傳在國門云新
羅王以波珍干岐微叱按秋日本紀曰波珍干岐新羅爵級本書已知為質
作微叱已知波珍干岐新羅爵級本書獻金銀彩色綾羅繡絹八十船自後調

貢以八十艘為定額高麗百濟亦望風歸降於是三韓
悉服乃置官司振旅而還至筑紫城田生皇子是為應
神天皇

皇朝史略卷之二

水府史臣青山延于著

男 延光校

應神天皇仲哀帝第四子也母氣長足姬皇后幼而聰

達玄鑒深遠動容進止聖表有異初帝在孕皇后西征

及生腕上肉起如靺似皇后雄裝負靺故名譽田按本

古謂靺曰譽田亦稱胎中天皇本書繼體紀○皇后奉帝帥百僚至

豐浦宮發仲哀帝喪將奉梓宮還京時帝庶兄麿坂忍

熊二王舉兵要皇師于播磨會麿坂死忍熊退屯住吉

皇后直向難波忍熊退軍菟路皇后乃會帝於紀伊日
高入小竹宮議進討時天晦瞑如夜連日皇后遣武內
宿祢擊忍熊忍熊敗死群臣尊皇后曰皇太后臨朝攝
政立帝為皇太子時年三歲都盤余謂之稚櫻宮○新
羅遣使朝貢徵叱已知請歸國許之遣葛城嚴津彥送
之是時遣使於魏主遣建中校尉携報聘○百濟遣使與新羅使朝貢
時新羅奪百濟貢物相易而獻敕責新羅使者遣千熊
長彥於新羅責問之○以荒田別鹿我別為將率百濟
人久氏等討新羅破之遂定北自林南加羅隸國安羅

多羅卑淳加羅七國層南蠻枕彌多禮以其地賜百濟

其後新羅不朝使葛城襲津彥討之是時遣使於晉○太后攝

政六十九年崩壽一百歲是為神功皇后太子即位都

輕馬謂之明宮都輕馬已下古事記○東蝦夷朝貢即使蝦夷作

厩坂道○初百濟王枕流卒子阿花年少叔父辰斯篡

立至是遣紀角羽田矢代蕪我石川平群木菟於百濟

責辰斯失禮國人殺辰斯以謝角等立阿花而歸○定

諸國海人山守部○令伊豆作船長十丈試之於海輕

疾如馳名曰枯野按枯輕訓讀相通野語助後船朽壞毀之為薪以

煮鹽帝得其焦餘異之命作琴果良材也○高麗百濟
新羅任那入貢使武內宿祢領韓人作池因號韓人池
○遣武內宿祢巡察筑紫時其弟甘美內宿祢譖於帝
曰武內據筑紫招三韓以圖不軌帝信之遣使殺武內
有真根子者代武內而死武內竊逃歸詣闕自明帝鞠
訊武內及甘美內使二人探湯於磯城川濱實情偽於
神祇甘美內服罪武內執佩刀殿之躡地隨而欲殺之
帝特詔釋之賜紀伊直等之祖以為努武內執政如故
○百濟功滿王之子弓月君請率其國人歸亡以滿王

錄遣葛城嚴津彥於加羅迎之○百濟王貢縫衣女其

後使子阿直岐貢良馬阿直岐通經典帝問之曰汝國

有博士賢於汝者乎對曰有王仁者一國之秀也帝乃

遣荒田別徵王仁百濟王使王仁古事記作和迺吉師

率治工卓素具服西素釀酒仁番等來朝獻論語十卷

千字文一卷古事記下文教之興始此神皇正統記○百濟王

阿花卒使阿直岐還國嗣位○遣平群木菟的戶田率

兵討新羅先是嚴津彥至加羅迎弓月人口為新羅所

留至是新羅王服罪木菟等遂將嚴津彥及弓月人口

而歸水菟武內宿祢之子也○帝幸吉野國櫟人獻醴

酒奏風俗歌自後貢獻歲以為常○漢主劉宏之裔漢主

已下姓阿知使主及其子都加使主率十七縣人口來

歸奏曰帶方男女皆有才藝近者寓百濟高麗之間心

懷猶豫未知去就請垂天恩以招徠之帝遣使召之以

為公民諸國漢氏其後也奏已下續日本紀○遣阿知使主于

具求縫工女與主遣女工四人○立皇子稚郎子為皇

太子先是高麗入貢表辭嫚稚郎子讀之大怒召使者

褒其無禮面懷其表稚郎子幼好讀書師阿直岐王仁

博通典籍帝甚鍾愛至是立為太子命大鷦鷯皇子輔

之使大山守皇子掌山川林野○帝在位四十一年崩

壽一百一十歲元明帝和銅五年祀帝於豐前宇佐郡

號八幡大神宮元明已下宇佐託宣集清和帝創石清水社以為

宗廟歲時奉祀焉石清水八幡緣起神皇正統記皇子大鷦鷯尊立是

為仁德天皇

仁德天皇應神帝第四子也母仲姬皇后帝之生也有

木兔入殿是日大臣武內宿祢亦生子鷦鷯入室應神

帝以為祥謂武內曰今朕子与大臣之子同日而生並

有瑞祥取其鳥名相易名子因名帝曰大鷦鷯應神帝
既立少子稚郎子為太子令帝輔之及應神帝崩太子
讓位于帝避之菟道宮帝以名分素定不聽會大山守
皇子謀反帝知其謀密告太子殺之太子固欲帝踐位
而相讓三年帝執志益確太子知其不可奪乃自殺帝
遂即位

外史氏曰立子以長年鈞以賢此萬世不易之大經
也應神以私愛立少子固失長幼之序夫帝之
立之以嫡耶仁德嫡也稚郎庶也則仁德宜立

而稚郎不立立焉以賢耶則仁德允賢稚郎雖賢
不宜以弟先兄雖然稚郎既居儲位名分已定則稚
郎之讓仁德不得不辭焉然則稚郎何以不讓於
應神建儲之時而於應神既崩之後曰應神
愛稚郎而立之而稚郎讓之是傷父志也故隱忍至
是殺身以成其志若稚郎者可謂仁且孝矣稚郎之
薨仁德不獲已而後即位則兄弟相讓兩得其宜
應神始崇文教以禮讓為天下其効如此國家之
所以興非徒然

都捕津難波謂之高津宮宮室不重務從節儉一日
帝登臺遠望人烟不起以為百姓窮乏家無炊者詔除
課役三年宮垣頽敗無所營作比及三年五穀豐穰百
姓殷富歡聲盈路其後帝復登臺遠望見炊烟盛起謂
皇后曰朕既富矣復何憂乎后曰今宮室朽壞不免暴
露何謂富乎帝曰君以民為本民貧則朕貧也民富則
朕富也未有民富而君貧者矣今炊烟盛起富庶可知
也諸國請輸稅調以修宮室不聽後數年始科課役造
宮室百姓以老幼幼爭先來赴運材費費日反管亦未

幾宮室悉成○帝憂河水橫溢居民被害詔疏河流穿
渠宮北號曰掘江又築茨田堤以防北河○高麗入貢
獻鍬盾鍬的帝饗之於朝大會群臣令射鍬的衆莫能
穿惟戶田宿祢射而洞之使人大驚起而羅拜帝嘉賞
特賜姓名的戶田宿祢○立去來穗別尊為皇太子○
以諸秦氏分處諸郡使養蚕織絹以貢帝嘉秦氏所獻
柔軟愜體賜普洞王姓波陀普洞王者弓月君之子也
令酒君養之未幾得馴酒君著條繫鈴臂之以獻帝獵

百戰野試之獲雉數十因命置鷹甘部酒君者普洞王
之子也○初新羅不朝貢遣的戶田賢遺臣責問之新
羅懼乃貢調絹雜品凡八十艘後朝貢復絕遣竹葉瀨
責之竹葉瀨途獲白鹿還獻之重遣其弟田道率精兵
擊之詔曰新羅若阻命宜急擊之新羅果反數來挑戰
田道固壘不出獲新羅卒問軍虛實對曰有百衛者驍
勇絕倫每為右軍先鋒若擊其左破之必矣田道選精
騎擊其左軍新羅兵大敗乘勝縱擊殺傷數百虜四邑
人民以婦○蝦夷反遣田道討之田道敗死從者取其

手纏婦授田道妻妻大悲慟即抱手纏縊死時人傷惋

○大臣武內宿禰薨

大臣已下水
鏡公卿補任

宿禰孝元帝曾孫屋

主忍武雄心命之子也

歷車景行成務仲哀應神及帝

五朝至是薨在官二百四十四年

歷事已下水
鏡公卿補任

不詳其

年壽云

按諸書所載年壽
不一故今不取

○始置冰室初大中彥皇子

獵于關雞望野有如屋廬使人視之則窟也召關雞稻

置大山主問之曰冰室也掘土文餘藏冰其中以草覆

之比至夏月出而用之大中彥乃獻之帝大悅自是每

季冬伐冰藏之至春分頒之○置難波根子武振熊誅

飛彈賊宿難宿難為人前後二面四手四足臂力絕人左右佩劍四手執弓時力拒命掠略人民至是命武振熊討之○縣守吉備國人勇悍多力輕捷絕倫時吉備中國川島河有巨蚘行旅被害死者交道縣守患之攘臂入水拔劍斬蚘悉斷其種類河水為赤時人服其勇因號其淵曰縣守淵○帝崩在位八十七年壽一百一十歲本書亭年闕古事記為捌拾參歲誤也今從水鏡真代記皇年代略記帝性明睿專心政事躬行節儉賦薄歛百姓殷富教化大行稱為聖帝聖帝標昔于皇后聖后避居高臺聞菟野鹿鳴愛之

一夕鹿不鳴明日猶名縣佐伯部獻鹿帝問何處獲之曰獲之菟野帝謂皇后曰計獲鹿之日与所獲之地盖朕所愛者也獲者雖無心朕未釋然不欲使彼近皇居乃命移佐伯部於安藝其慈仁愛物如此太子立是為履中天皇

履中天皇仁德帝長子也母磐之媛皇后仁德帝崩帝既除喪未即位會佳吉仲皇子反舉兵圍宮帝方被酒而臥時平群木菟物部大前阿知使主等入告帝不信木菟等扶帝上馬而逃仲皇子遂焚宮帝至河內境生坂

而醒視煙燄大驚馳趨倭乃發當摩兵踰龍田山阿
墨連濱子遣兵數十人追之帝設伏悉捕獲之倭直吾
子籠素善仲皇子密聚精兵將徼帝望其兵衆懼而歸
降帝駐石上神宮既而瑞齒別皇子誅仲皇子來報帝
乃還宮遂即位○立皇弟瑞齒別皇子為皇太子○遷
都磐余謂之稚櫻宮按本書云即位於磐余稚櫻宮蓋誤也○平群木菟
蘇我滿智物部圓執國政○一日帝泛舟宴市磯池膳
臣余磯獻酒櫻花飄落御盞時方盛冬帝異之謂物部
長直擔連曰是花非時而來按性實之於長直直膽尋

花得之披上室山而獻之帝大喜以為宮名○始置史
於諸國記民言事達四方志○始置藏職因定藏部○
帝在位五年崩壽七十太子立是為反正天皇

反正天皇履中帝母弟也生於淡路宮生而駢齒及瑞
井具浴時多遲花飄落井中因名曰多遲比瑞齒別多
遲今虎杖也帝以誅仲皇子為履中帝所寵遂立為太
子至是即位○遷都於河內丹比謂之紫籬宮在位六
年崩壽六十本書亨年闕今從古事記群臣議迎稚朝津間稚子宿
禰皇子立之是為允恭天皇

允恭天皇反正帝母弟也初反正帝崩無嗣群臣迎立
帝帝遜讓不許群臣奉置固請遂即位於遠明日香宮
明日香宮
據古事記○帝憂氏姓混亂會諸氏人於味耜丘設探
湯正其詐冒以定氏姓帝憂已下參○帝寵衣通姬造
宮於河內茅渟處之衣通姬皇后妹也容色絕世光艷
徹衣時人號曰衣通姬從母在近江坂田帝聞而召之
以后色不懌不敢內之宮處之藤原宮至是造宮茅渟
自是數託游獵行幸焉○立木梨輕皇子為皇太子○
帝在位四十二年崩允總皇子立是為安康天皇

安康天皇允恭帝第三子也母忍坂大仲姬皇后初允
恭帝崩太子木梨輕淫虐甚群臣不服厲心於帝太
子懼變密集兵將襲帝慮事不捷匿於物部大崩家帝
率兵圍之太子自殺帝遂即位○遷都石上謂之穴穗
宮○帝幸山宮暴崩初帝欲為大泊瀨皇子聘大草香
皇子妹幡梭皇女使根使主致其意大草香大喜因獻
其私寶押木珠縵以為信驗使主愛珠縵私匿之不進
詐奏大草香不肯奉命帝怒遣兵圍其第殺之乃取
幡梭為大泊瀨妃又取大草香姬中帶姬為妃尋立為

皇后初在大草香家生眉輪王眉輪以母故免罪養

宮中及幸山宮帝謂后曰汝雖親昵朕畏眉輪眉輪時

年七歲

七歲據古事記

游戲樓下悉聽其言遂登樓伺帝寐刺

而弑之在位三年壽五十六大泊瀨皇子立是為雄略

天皇

雄略天皇允恭帝第五子安康帝同母弟也初生神光

滿殿長而剛健過人安康帝之遭弑大舍人走告變帝

疑諸兄逼八鈞白彥皇子問其所以皇子不答帝拔刀

斬之又問坂合黑彥皇子亦不答帝愈怒黑彥皇子思

與眉輪王亡匿於大臣葛城圓宅帝聞其第縱火焚殺

之又殺市邊押盤皇子御馬皇子廼即位於泊瀨朝倉

遂都焉以平群真鳥為大臣大伴室屋物部日為大連

真鳥木菟之子室屋武以之子也○立幡拔皇女為皇

后○始置穴人部帝獵御馬瀨大獲禽顧謂群臣曰獵

場之樂使膳夫割鮮就與自割左右相視不對帝怒拔

刀斬御者促駕還宮太后憂懼乃使倭采女日媛迎駕

獻酒帝悅日媛攜手入後宮白太后曰今日游獵多獲

禽欲與群臣割鮮歷詢群下莫能承意故朕怒之太后

慰之曰群臣不對者不曉帝意爾獵場宜置與人部膳
臣長野善作_突膾請以充之以我為始使群臣貢之可
也帝大悅自後臣連伴造相繼而貢遂置_突人部○帝
獵葛城山皇后從焉野豬_突帝命舍人逆射刺之舍
人怖而避之豬_突將觸帝帝蹈殺之獵罷欲斬舍人
后諫曰天下皆謂陛下荒畋以獸故殺人無乃不可乎
帝欣然納之與后上車曰獵者獲禽朕獨獲善言而還
樂哉_歌呼萬歲遂釋_舍人○吳國遣使來聘○以吉備
田_狹為任那國司田狹據任那反初田狹入直禁內盛

稱其妻之美帝潛聞而心悅之乃拜田狹為任那國司
奪其妻稚媛為妃田狹聞而大怨遂據任那反是時新
羅久不朝貢遣田狹子弟君及吉備海部赤尾討之取
道百濟賜書百濟王令獻技工田狹乃使弟君據百濟
反弟君妻樟媛知其謀殺弟君遂與赤尾將百濟技工
而歸○高麗與新羅通好遣兵一百人戍新羅備百濟
新羅誤殺戍兵高麗怒攻新羅新羅乞救於任那日本
府任那王請膳_斑鳩吉備小梨難波赤目子率兵救之
大破高麗軍○新羅久不朝貢帝遣紀小弓蘇我韓子

大伴談小^{カケリ}鹿火等討之。大破之。隸地悉定。餘衆不降。率兵擊之。大伴談紀岡前來。目力戰而死。兩軍交綏。紀小弓卒于軍。小弓子大磐聞父喪。往新羅奪小鹿火兵殺蘇我韓子據任那。○命木工鬪雞御田始起樓閣。○先是遣身狹青檜隈博德於吳。至是還。自吳與吳使及工人漢織吳織縫衣兄媛弟媛共來泊住吉津處。其工人於檜隈野以兄媛奉大三輪神。以弟媛為漢衣縫部。○誅根使主初吳人來聘。使使主饗之於石上高坂原。帝密使舍人視之。舍人還奏。使主所着珠纁甚美。帝欲觀

之。命臣連服飾如饗。吳使時及引見殿前。后見使主珠纁悲泣。帝怪問之后。曰。使主所着珠纁先帝為陛下聘妾時。妾兄大草香之所獻也。今視之。不覺悲泣。帝聞大怒。詰問之。使主首服。帝欲誅之。使主逃。至日根築壘拒守。官軍擊殺之。○初難波日香蚊事大草香皇子。皇子之遇害也。日香蚊與其二子抱持皇子屍呼曰。冤哉。吾主至此。我父子生事之死。不確此不臣也。即背自剄。數為流涕。至是求其子孫。賜姓大草香部吉士。○詔聚秦氏百八十部。賜秦酒。君秦氏所獻調繡充積朝廷。造大

藏以藏之置大藏官以酒公為長官造大藏已下姓氏錄○高麗

攻陷百濟殺其王及王子立王弟汶洲為王賜久麻那

利地○立白髮皇子為皇太子○祀豐受大神於伊勢

度會郡山田原初在丹波真井原至是遷祀焉祀已下延曆

式○丹波餘社郡有浦島子者一日乘舟而釣得大龜

化為美女浦島子悅以為婦遂俱入海到蓬萊久之思

婦女知其情告別贈以玉合曰若欲再相見慎勿啟視

焉乃上舟俄頃至浦口訪其舊里邑閭變易並無相識

見一老嫗問之曰傳聞往昔此地有浦島子者一日乘

船而去終不歸來浦島子惘然自失乃開合視之有紫

氣起於合中俄而變為老翁後不知所終久之已下扶

鳥子傳○按和川水紀引川後風日記云州後寺謝

那伊豫部馬養作文記浦島事馬養持統帝時人也而

水鏡續古事談皇代記並云淳和帝天長二○百濟王

年浦島子還鄉後人傳會從可知也故不取文斤卒遣昆支王第二子末多王其國賜以兵器使筑

熱軍士護送之筑紫安致臣馬飼臣等率舟師擊高麗

○帝在位二十三年崩壽六十三本書亨年闕今據帝

性好殺百濟來女與石川楯茲使來目部執二人縛手

足於木置假皮上焚死之嘗見木工猪名部真根剗木

以石為質終日揮斧不毀其刃帝異之問曰汝無誤中
石耶荅曰不誤乃使米女裸體相撲真根心動誤毀其
刃帝怒其言欺妄欲刑之其徒歎惜作歌諷之帝聞而
赦之晚年頗留心政事國家無事太子立是為清寧天
皇

清寧天皇雄略帝第三子也母葛城韓媛帝生而白髮
故稱白髮皇子長而有愛民之心雄略帝特異重之遂
立為太子雄略帝之崩星川皇子謀不軌據大藏大伴
室屋與東漢相討平之率群臣奉遷於帝即位於磐余

璽粟遂都焉○帝憂無子而名不傳於後命大伴室屋
置白髮部舍人膳夫勸負於諸國○立億計王為皇太
子以弘計王為皇子○遣臣連於諸國巡省風俗○詔
罷獻大馬器玩○帝在位五年崩壽四十一本書享年
四十一

鏡一代要記
皇年代略記弘計王立是為顯宗天皇

顯宗天皇初稱弘計王履中帝孫市邊押盤皇子第二
子也母美媛初雄略帝殺押盤皇子也皇子帳內目下
部使主與其子吾田彥奉帝及母兄億計王避難於丹
波余佐郡使主變名田疾來既而懼誅逃入播磨緘見

山石室自縊死帝不之知與億計王至播磨明石郡為
忍海部造細見家僮會國司來目部小楠來宴細目家
時二王執燭在側小楠知其非常人使二王起舞億計
王起舞既而帝又起舞歌舞歌中寓以諷詞小楠聞而異
之更令復唱帝乃自贊曰我是去來穗天皇子押磐皇
子之胤也按本書云於市邊官治天下天國公押小楠
大驚避席再拜供奉甚謹還具奏其狀清寧帝大喜曰
朕無子可以為嗣乃迎入宮中立億計王為太子帝為
皇子及清寧帝崩太子讓位於帝帝固辭不從於是帝

姊飯豐青皇女臨朝稱制無幾皇女薨太子奉命進
帝辭讓數四乃受之即位於近飛鳥八釣宮初押磐
皇子之遭害也帝猶幼弱不知其慕及即位召聚父老
親臨歷問有一老嫗知其所於是行幸近江來山綿坂
野改葬焉始設曲水宴始設據召前播磨國司來
目部小楠優詔褒其功因授山官賜姓山部連紀大
磐據任那通謀高麗志欲并吞三韓乃開府自稱神聖
用任那人左魯奇他甲為策殺百濟人適莫尔於尔林
築帶山城扼東道絕百濟糧道百濟王怒遣領軍古尔

解內頭莫古解等攻帶山城大磐通擊破之既而兵竭

力屈走歸本邦帝在位三年崩壽三十八本書享年

事記帝久在民間知百姓疾苦及即位留心政事賑卹

貧窮不數年而百姓殷富歲比稔穀斛直銀錢一牛馬

被野太子立是為仁賢天皇

仁賢天皇諱大脚字鳥郎初稱億計王顯宗帝母兄也

清寧帝時立為太子清寧帝崩讓位顯宗帝至是即位

於石上廣高宮遣難波日鷹於高麗求工人日鷹率

工匠而還立小泊瀬稚鰥鰥尊為皇太子在位十

一年崩壽五十本書享年閏今初顯宗帝即位怨雄略

帝殺其父欲毀帝陵帝諫曰陛下与億計共蒙先帝之

殊恩以至今日陛下不報其德而發其父之陵無乃不

可乎顯宗帝嘉其言乃止帝幼而聰敏仁惠謙恕在位

之間吏稱其職民安其業遠近清平戶口蕃殖太子立

是為武烈天皇

武烈天皇仁賢帝子也母春日大娘皇后仁賢帝立為

太子帝崩大臣平群真鳥專政潛謀篡奪其子嗣又無

禮於帝帝与大伴金村謀除之金村將兵誅賊又圍真

鳥第遂誅之即位於泊瀨列城遂都焉在位八年崩帝性殘忍嗜殺刳孕婦觀其胎或解人指甲使掘墓積又拔人頭髮使之登樹而射墜之以為快其殘虐如此帝崩無嗣群臣迎立男大迺王是為繼體天皇

繼體天皇初稱男大迺王應神帝五世孫也父彥主人王居近江三尾別業娶三國坂中井人女振媛生帝帝幼孤從母鞠養于越前高向及壯有大度愛士禮賢會武烈帝崩無嗣大連大伴金村定議迎倭彥王王望見儀衛甚嚴大懼逃匿金村更議備法駕迎帝帝據胡牀

齊列侍臣儼如帝坐持節使等視其尊嚴意甚嚮之帝猶豫未就道會河內馬飼荒籠潛遣人具告群臣翼戴之意帝意遂決至樟葉宮金村上鏡劍帝辭讓數次乃即位○遷都山背筒城○遣哆唎國司穗積押山于百濟百濟貢調請任那上哆唎下哆唎安陀牟婁四縣許之又遣將軍姐弥文貴州即尔從穗積押山來貢五經博士段揚爾奏倭跋國奪已汶之地召會百濟新羅安羅伴跋使者下詔以已汶帶沙地賜百濟○立新大兄皇子為皇太子○遷都弟國後遷都倭磐余王穗○使

近江毛野率衆六萬往往那復新羅所侵故地時筑紫國造磐井叛據火豐二國通謀新羅距毛野遣物部麁鹿火將兵討之磐井伏誅筑紫悉定○任那王已能末多干岐來朝訴新羅背約侵掠遣使護送已能末多干岐又詔近江毛野和解諸蕃毛野綏馭失方遣使召還之○大臣許勢男入薨○帝疾病傳位太子尋崩在位二十五年壽八十二太子立是為安間天皇

安間天皇初稱勾大兄繼體帝庶長子也母妃目子媛帝器宇寬弘有人君之量○遷都倭勾金橋因為宮號

○百濟朝貢○在位二年崩壽七十檜隈高田皇子立是為宣化天皇

宣化天皇繼體帝第二子安間帝母弟也初稱檜隈高田皇子器宇清通不以才能矜人安間帝崩無嗣群臣上鏡劍勸進帝遂即位○遷都檜隈廬入野因為官號以蘇我稻目為大臣阿部火麻呂為大夫○大連物部麁鹿火薨麁鹿火歷事仁賢武烈繼體安間及帝正直仁勇曉兵事嘗討磐井有功至是薨○新羅寇任那詔大伴金村遣其子磐狹手彥敷任那磐留筑紫以備三

韓狹手彥往鎮任那又救百濟○帝在位四年崩壽七十三群臣迎立繼體帝皇子是為欽明天皇

欽明天皇繼體帝嫡子也母手白香皇后宣化帝崩無嗣群臣議迎帝立之○遷都倭磯城島謂之磯城島金刺宮○高麗百濟新羅任那遣使貢獻○肅慎人漂來佐渡島北御名部崎○遣膳臣巴提便於百濟巴提便至百濟一夕宿海濱亡其小兒尔夜大雪旦起尋索見地有虎蹤隨而認行至巖岫下果有虎跳出見巴提便張口欲噬巴提便左手捉虎舌右手拔刀刺殺之取其

皮而還○百濟王明遣使獻金銅佛像及幡蓋經論上表讚述其功德帝欲禮之下群臣議之蘇我稻目奏曰禮之物部尾與中臣勝海木書作錦子誤俱奏不宜禮帝從之乃賜佛像於稻目稻目捨向原家為寺時諸國大疫父而愈甚尾與等奏疾疫之起實由禮佛耳速毀佛像以求後福帝納焉乃命有司投佛像於難波堀江悉火伽藍○初百濟王伐高麗復其故地取漢城平壤至是新羅高麗通謀攻百濟百濟肅漢賊平壤新羅入居之百濟遣使乞救遣內臣名於百濟許遣援兵因賜船馬

弓矢又救使醫博士易博士曆博士遞番往來○立皇子淳中倉大珠敷尊為皇太子○百濟又遣使乞救貢易博士曆博士醫博士樂工帝遣內臣率舟師如百濟俱伐新羅攻函山城拔之百濟王上表奏捷獻其虜獲并好錦毼毼及斧三百口○百濟王明為新羅所殺王子餘昌遣其弟惠來赴遣阿倍臣佐伯連名等發筑紫舟師護送王子惠又遣筑紫火君率勇士一千送至弥以津守其要害○新羅滅任那遣大將軍紀男麻呂副將河邊瓊告討新羅新羅起兵距戰男麻呂擊破之已

而瓊亦輕進失利為新羅所虜時調伊企伊企儼亦被執奮罵不屈見殺其子男子抱其父而死人咸傷惋焉○遣大將軍大伴狹手彥率兵數萬伐高麗大破之高麗王踰牆而逸狹手彥乘勝入宮悉獲其珍寶而還○大臣蘇我稻目薨稻目崇奉佛法捨向原家為寺號向原寺是為佛祠之始○高麗入貢○帝在位三十二年崩太子立是為敏達天皇

敏達天皇欽明帝第二子也母石姬皇后○物部守屋為大連蘇我馬子為大臣守屋尾輿之子馬子稻目之

于也○高麗上表用烏羽字跡不辨人莫能讀王辰尔取其羽燕以飯既印之於帛文字盡見始得讀之帝大嘆異辰尔其先百濟人初應神帝時遣使百濟求有識者王以其孫辰孫王應之隨使入朝大闡儒風辰尔其玄孫也初已下續日本紀桓武紀○營宮於譯語曰是謂幸王宮○帝以任那未復為憂時火葦北國造阿利斯登子日羅在百濟賢而有勇帝欲召議軍事遣吉備海部羽島徵日羅百濟愛其材而不肯遣帝復遣羽島召之百濟遂使恩率德爾余怒可奴知參官拖師德率次干德等送

日羅至帝大喜使隸手子阿部日物部贊子問計日羅具陳征討之策帝嘉納焉恩率參官怒其言已國事及發命德爾余怒殺日羅帝大怒收德爾等下獄鞠問皆服罪乃以德爾賜日羅族殺之○蘇我馬子崇信佛法脩治佛宇時物部守屋素不喜佛法白帝毀塔宇燔佛像棄餘燼于難波堀江又捕馬子所崇信三尼捷之由是馬子有隙其後馬子依病請奉三寶帝雅好文史不信佛法謂馬子曰汝獨為之勿惑他人矣○帝在位十四年崩大兄皇子立是為用明天皇

用明天皇初稱大兄皇子欽明帝第四子也母蘇我堅
鹽媛都于磐余謂之池邊雙槻宮○初敏達帝之崩也
穴穗部皇子竊懷覬覦及帝即位愈益不平使物部守
屋殺三輪逆逆自敏達帝時寵任用事至是守衛殯宮
皇子欲悉焚屋姬皇后強入殯宮逆拒而不內皇子怒
与守屋率兵圍磐余池邊逆知之潛匿炊屋姬皇后別
宮海石榴市為族人所告皇子復遣守屋遂殺之自是
皇后及馬子俱惡皇子初已下參○帝新嘗於磐余河
上新嘗祭名按類聚國史以清寧帝二年為新嘗始公
上事根源以用明帝時為始然仁德紀云是歲當新嘗

之日賜酒名婦據此則新嘗之礼得病還宮詔群臣曰
是時已有之非助下此故不取朕欲歸三寶卿等議之物部守屋中臣勝海奏佛蕃神
不足敬蘇我馬子贊成詔吉引僧入宮於是守屋馬子
怨隙滋甚守屋聞馬子圖已集兵自守遂見赤搏殺勝
海○帝崩在位二年欽明皇子若雀命立若雀命據
古事記是為崇峻天皇

崇峻天皇欽明帝第十二子也母蘇我小姊君初用明
帝崩無嗣大連物部守屋欲盡去諸皇子而立穴穗部
皇子託游獵而陰圖作難既而謀泄大臣蘇我馬子奉

炊屋姬皇后詔遣佐伯丹經手土師磐村等夜闖穴穗
部皇子宮兵士登樓擊皇子肩皇子墜地走入旁室乃
舉燭索而殺之又殺宅部皇子又與帝及諸皇子群臣
率兵攻守屋守屋親率子弟及家兵距戰兵勢甚盛諸
皇子軍畏懦不敢進豐聰耳皇子與馬子整兵進攻迄
見赤搏射斃守屋守屋軍遂敗炊屋姬皇后與群臣議
立帝宮于倉梯○百濟貢調并獻佛舍利及僧慧聰等
九人寺工鑪盤工瓦工画工○始造法興寺後改號元
興寺後改已下拾芥抄○帝欽復任那以紀男麻呂口勢比良

夫大伴鸕鷀等為大將軍率兵二万屯筑紫遣吉士磐金
於新羅吉士木蓮子於任那○帝暴崩初蘇我馬子專
橫日甚帝意不平一日密謂豐聰耳皇子曰馬子外好
矯飾內懷姦心何以處之皇子曰陛下盡小忍焉馬子專橫
已下人或獻野猪於帝帝指之曰何時殺朕所惡之人
如斷此猪也因備兵杖馬子聞而懼乃使東漢直駒弑
帝在位五年群臣議立炊屋姬皇后是為推古天皇
推古天皇欽明帝女用明帝妹也為敏達帝皇后至是
群臣請皇后踐阼乃即位於豐浦宮○立豐聰耳皇子

為皇太子攝行萬機太子用明皇子母穴穗部間人皇后皇女懷妊偶出巡視宮省至厩戶而生太子因名厩戶生而額敏及壯博學多通兼精釋典至是立為儲貳
○創四天王寺於難波荒陵帝信佛法詔太子及蘇我馬子興隆佛法於是群臣競造佛寺○高麗僧慧慈百濟僧慧聰來大弘佛教及法興寺成以三僧處之○新羅貢孔雀一隻○百濟貢駱駝驢羊白雉○新羅王任那戰帝命境部臣穗積臣將兵萬餘擊新羅大破之拔其五城新羅歸其侵地乞降帝遣使二國檢問其狀於

是二國寢兵因召還諸將比還新羅復侵任那○命來目皇子率兵二萬五千討新羅皇子至筑紫疾不果行○百濟僧觀勒來貢曆及天文地理遁甲方術等書敕選書生受業○來目皇子薨於筑紫○帝徙御小墾田宮太子請帝造大楯及鞬又畫于旗幟始定冠位大德小德大仁小仁大礼小礼大信小信大義小義大智小智凡十二階並以當色絕縫之頂振總如囊而有緣唯元會著髻華○十二年甲子春正月戊戌朔始用曆日始用已下據政賜冠位於諸臣各有差○夏四月太子事愛器引古傳

定憲法十七條○秋九月改制朝礼○十三年夏四月
始造銅繡丈六佛像各一以鞍作鳥為佛工高麗王大
興聞之獻黃金三百兩○秋閏七月太子命諸王諸臣
著福○十五年春二月定士生部○秋七月遣大礼小
野妹子於隋遺隋主書其略曰日出處天子致書日没
處天子無恙遺書已下隋書善隣國室記隋人稱妹子曰蘇因高○
十六年夏四月妹子還自隋使裴世清來報聘○秋
九月世清歸隋復以妹子為大使難波稚成按本書曼為日文抄舒明為小使学
生高向玄理學問僧南淵請安及僧旻等

紀四年僧曼還自唐則寫字者訛為三字可知故今訂之從之○十七年秋九月妹
子還自隋○十八年春三月高麗貢僧曇徽法定曇徽
通五經善畫造紙墨碾磬○冬十月新羅任那入貢○
十九年百濟人味摩之婦化味摩之學于吳傳伎樂舞
乃處之櫻井令少年習之○二十二年夏六月遣犬上
御田鋏矢田部造矢田部造名欠於隋○二十三年秋九月御
田鋏還自隋百濟入貢○二十五年始造大安寺二十九年
已下元○二十六年秋八月高麗朝貢因獻隋倭及駱
駝器械○二十八年秋八月披玖人漂泊伊豆島○是

歲太子与大臣蘇我馬子議擬天皇紀及臣連伴造國造等本紀○二十九年春二月皇太子薨謚曰聖德

謚據

神皇正統記

○三十一年秋七月新羅復擊任那取之使大

德境部雄麻呂小德中臣國等將兵討之新羅忠怖請

罪釋之○三十二年夏四月始置僧正僧都檢校僧尼

以百濟僧觀勒為僧正鞍作部德積為僧都○三十四

年夏五月大臣蘇我馬子薨馬子性陰狡有才略

性陰狡據

水鏡以外戚久擅朝權外戚已下扶桑略記初馬子使東漢駒弑崇

峻帝群臣畏馬子不敢收之馬子寵駒甚至令出入卧

内駒遂姦馬子女馬子聞之大怒捕駒縛之於木親射

之數其行弑逆駒大叫曰我知有大臣不知有帝也馬

子愈怒挺劍斬殺之世以此益惡其姦云

初已下水鏡

○六

月雪○是歲以蘇我蝦夷為大臣

外史氏曰神武已後相傳二十餘世未有女主臨

朝者神功雖稱制終不即真而女卡即真自推

古始也厥後皇極持統相繼即位甚至聖武以

孝謙為儲貳盖由帝之作俑也當是之時蘇我

馬子專權欲其易制故立己出以成固寵保位之計

卒馴致蝦夷父子僭逆之端嗟乎神功臨朝而懸象失光推古在位而盛夏飛雪陰氣之盛其應如此孰謂天道悠遠不關人事乎

○三十六年春三月帝崩壽七十五遺詔立田村皇子是為舒明天皇

舒明天皇敏達帝孫押坂彥人大兄之子也初稱田村皇子母糠手姬皇女推古帝崩遺詔帝嗣位時山背王亦以為受旨於是大臣蘇我蝦夷大會群臣議定所立群臣以遺詔故皆欲立帝唯境部摩理勢等固欲立山

背王群議久不決蝦夷遂殺摩理勢定策立帝○二年

春三月高麗百濟並朝貢○秋八月遣大仁犬上御田

鍬藥師慧日於唐○冬十月移宮于飛鳥岡謂之岡本

宮○三年春三月百濟王璋納其子豐為質按本書云百濟王義

慈納王子豐璋為質然據東國通鑑是歲武王璋立三十二年也義慈立於舒明帝十三年則本書之誤可知也又按唐書及三國史記東國通鑑皆作豐本書舒明紀中或作豐今從之○四年秋八月

犬上御田鍬還自唐唐使高表仁報聘留學僧旻等從之○九年蝦夷反大仁上毛野形名為將軍討平之○

十二年冬十月新羅百濟朝貢遣唐學生高向玄理等

問僧請安從新羅使而還○始定斗升斤兩

始定已下扶來畧記

要記

○十三年冬十月帝崩皇后立是為皇極天皇○

皇極天皇

初稱

寶皇女

押坂大兄皇子孫茅渟王之女

也初適高向王後為舒明帝皇后帝崩明年正月即位

時蝦夷子入鹿自專國政威權過父○百濟弔喪使來

○二月高麗貢獻

詔遣

津守大海

於高麗國

勝水雞

於百濟草壁真跡於新羅坂本長兄於任那○三月新

羅賀登極使及弔喪使來○秋八月先是亢旱踰月大

臣蝦夷以百姓大雩無應聚僧大寺讀經祈雨無驗至

是帝行幸南洲河上跪拜四方仰天而祈雷雨忽至遂

雨五日遍于郡國百姓呼萬歲稱曰至德天皇○蝦夷

僭逆滋甚建祖廟於葛城高宮而為八佾舞又與大役

豫營父子壽藏名曰大陵小陵○二年夏四月遷居於

飛鳥板蓋宮○冬十月大臣蝦夷因疾不朝私授紫冠

於入鹿以擬大臣入鹿潛謀立古人大兄皇子皇子舒

明帝子蘇我氏之出也故入鹿欲立之時山背大兄王

素有威望入鹿深忌之

時已下本書記

十一月入鹿遂遣巨勢

德太古土師土手韻大兄王於斑鳩王及子弟妃妾自

經而死○三年春正月以中臣鎌足為神祇伯固辭不

就鎌足小德冠御食子之子也小德已下系圖○按大鏡簾中抄並云鎌足常

陸人大織冠傳曰和州高市郡人未詳孰是博涉書傳器宇宏遠知略絕人

博涉已下大織冠傳及是稱疾退居三島時入鹿專橫圖危國家

鎌足慨然有匡濟之志竊察宗室諸王可輔以濟功者

屬心中人兄皇子然不得通情一日陪皇子蹴鞠於法

興寺槐樹下皇子鞋偶脫鎌足跪奉之皇子亦跪受之

由是情好日密然恐數會人生嫌疑託學周孔之道於

南淵先生按本書推古帝十六年遣小野妹子於唐學問僧南淵請安從之舒明帝十二年請安還

自唐據此則南淵先生蓋此人也每相往來密謀于路鎌足乃勸皇子

與蘇我石川麻呂結會以為援又薦佐伯子麻呂葛城

稚犬養網田○冬十一月蘇我入鹿雙起第宅於甘檮

留稱蝦夷宅曰宮門已宅曰谷宮門稱其子曰王子構

柵門於宅外傍造兵庫常使兵士警衛時蝦夷又造宅

於畝傍山東築城環池每出入從兵士數十其僭擬如

此○四年夏六月三韓入貢中大兄謂石川麻呂曰三

韓進調之日卿當讀表吾欲入誅入鹿石川麻呂諾及

期帝御大極殿入鹿入侍入鹿為人多疑劍不去身鎌

足使俳優調之入鹿乃解劍而入便戒衛門府閉諸門
中大兄親執長槍立於殿側鎌足持弓矢警衛石川麻
呂讀表文將盡鎌足促子麻呂子麻呂畏縮不發石川
麻呂手戟聲顛流汗沾背入鹿怪問之石川麻呂曰天
威咫尺不覺乃尔中大兄恐其失機徑入斫入鹿子麻
呂等繼進遂斬殺之中大兄又遣巨勢德太古誅蝦夷
事平帝傳位於輕皇子是為孝德天皇

孝德天皇初稱輕皇子皇極帝母弟也皇極帝四年六
月傳位於帝帝讓古人大兄皇子皇子固辭入法興寺

為僧帝遂即位尊皇極帝曰皇祖母尊立中大兄皇子

為皇太子以阿倍倉梯麻呂為左大臣蘇我石川麻呂

為右大臣中臣鎌足為內臣置左右大臣及內臣始此

置已下公卿補任曆運記以高向玄理僧更為博士○始改元曰大

化年有號始此年號始此據日本紀○大化元年秋七

月高麗新羅入貢百濟使佐平緣福朝貢兼領任那調

使巨勢德太古宣詔責百濟使却還貢物遣三輪栗隈

東人馬飼造關名觀察任那國界○八月設鍾匱於朝詔

令有所訴而尊長不達者納牒于匱冤枉者得撞鍾以

許○九月古人皇子謀反伏誅○遣使諸國錄戶口詔
禁百姓私賣地以杜燕井之路百姓大悅○冬十二月
遷都于難波長柄豐崎○二年春正月宣詔下漸令其
罷前代所置子代之民處々屯倉及臣連伴造國造
村首所有部曲田莊大夫以上賜食封官人百姓賜布
帛各有等級其二漸定畿內國界修京師置國司郡司
郡分大中小置大領小領主政主帳其三造戶籍制班
田收授之法定田畝其四罷舊賦役行租庸調之法○
遣使郡國修兵庫○二月高麗百濟任那新羅朝貢○

秋八月下詔諭新設百官悉改舊職之意于臣連伴造

國造○九月遣小德高向玄理本書作黑麻呂註玄理麻呂更名玄理按玄理

猶曰黑麻呂訓讀相通非更名也於新羅徵質遂罷任那調按扶桑略記皇代記

並云是歲始造宇治橋也○三年春正月高麗新羅朝

貢○是歲帝徙御小郡宮新制禮法定百官朝參時刻

制七色十三階冠工人大山位倭漢荒田井比羅太穿

溝瀆通難波督役失方百姓疲勞有上疏諫者詔即日

罷役造淳夏柵置柵戶○四年夏四月罷古冠○是歲

治營船柵備蝦夷選越信濃民始置柵戶○五年春二

皇朝通志卷之三
月改制冠十九階置八省百官○三月左大臣阿陪倉
梯麻呂薨○殺右大臣蘇我倉山田石川麻呂石川麻
呂馬子孫倉麻呂之子馬子已下系圖誅入鹿有功帝寵異任
右大臣賜以金策至是其弟日向譖之太子太子信之
遂奏于帝帝乃遣兵圍其第石川麻呂逃入山田寺自
殺既而太子籍其家得其所自記始悟其寃遂貶日向
為太宰帥

外史氏曰石川麻呂與藤原鎌足誅入鹿有大功於
王室有罪猶宥宥之況其無罪乎而一旦信譖戮及

無辜 帝之於石川麻呂何其慘礫少恩也既悟日
向之譖反肆諸市朝以正刑憲而罪僅止貶竄 帝
於是乎失刑也

○夏四月以小紫巨勢德太古為左大臣小紫大伴長
德為右大臣並授大紫○白雉元年春二月穴戶國司
草壁醜經獻白雉因詔改元○夏四月新羅朝貢○二

年夏六月百濟朝貢○秋七月右大臣大伴長德薨秋七月

月已下公卿補任○冬十二月帝徙御豐崎宮謂之難波長柄

豐崎宮○三年夏四月新羅百濟朝貢○四年夏五月

以小山上吉士長丹為遣唐大使小乙上吉士駒為副
使又以大山下高田根麻呂為大使小乙上掃守小麻
呂為副使○六月百濟新羅朝貢○秋七月遣唐使高
田根麻呂至薩麻竹島之間合船漂沒唯門部金等五
人得免○是歲皇太子奏請遷于倭京不許太子奉皇
祖母尊皇后率皇弟移居倭飛鳥河邊行宮公卿百官
皆從帝驚懼欲遜位造宮於山磯○五年春二月以大
錦上高向玄理為遣唐押使小錦下河邊麻呂為大使
大山下藥師慧日為副使○夏四月吐火羅國男女各

三人舍衛國女一人漂泊日向○秋七月遣唐使吉士
長丹等与百濟新羅送使共歸獻書籍寶貨○冬十月
帝崩在位十年帝天資柔仁用意治道訪求民瘼罷國
造置國司郡司畫國界定田制至是國家制度始定矣
皇極帝再踐祚是為齊明天皇

齊明天皇初禪位於孝德帝上尊號曰皇祖母尊及孝
德帝崩再臨萬機○元年春正月即位於飛鳥板蓋宮
○秋八月下河邊麻呂等還自唐○冬板蓋宮災徙御
飛鳥川原宮○是歲三韓朝貢○二年改卜宮地於飛

鳥岡本新羅百濟朝貢因幕其地以饗之遂起宮闕號曰後飛鳥岡本宮又起觀於田身嶺上兩槻樹上周以墻垣號曰兩槻宮又造吉野宮百濟獻鸚鵡一隻岡本宮災○三年秋七月設盂蘭盆會於飛鳥寺西○吐火羅人漂泊筑紫曉驛召之○四年春正月左大臣大紫巨勢德太古薨○夏四月越國守阿陪比羅夫率舟師一百八十艘伐蝦夷降之置郡領於淳代津輕二郡而歸○冬十一月有間皇子謀反伏誅有間孝德皇子性頗狡黠先是詭稱有疾浴牟婁湯湯及歸盛稱其風土

之美帝欲往觀至是遂幸牟婁蘇我赤兄留守一日赤兄舉時政三失以語有間有間喜以為赤兄黨已乃詣其家密謀舉事所倚案脚無故自折以為不祥俱盟而止尔夜赤兄命物部朴井鮪圍其第馳使以聞遂執有間及其黨子送行在乃絞之藤白坂其黨子伏誅○是歲阿陪比羅夫伐肅慎獻熊二熊皮七十張僧智諭造指南車○五年春三月吐火羅舍衛國人來○阿陪比羅夫率舟師一百八十艘討蝦夷置郡領於後方羊蹄而歸○秋七月遣小錦下坂合部石布等於唐討蝦夷

男女二人示唐主○六年春二月遣阿陪比羅夫率舟
師二百艘伐肅慎○夏五月高麗朝貢○阿陪比羅夫
獻虜俘五十餘人○秋九月百濟遣使奏新羅借唐兵
滅已國佐平鬼室福信與新羅戰圖恢復○冬十月鬼
室福信遣使獻唐俘一百餘人乞救且請迎王子餘豐
以為國主詔許之○十二月將遣兵救百濟於是行幸
難波宮簡閱軍器敕駿河造船○七年春正月親帥舟
師赴筑紫三月進至娜大津居磐瀨行宮○夏五月帝
伐朝倉社樹造橋廣庭宮徙居之社神作崇宮中教有

妖怪侍臣多死○耽羅始遣王子阿波伎來貢○秋七
月帝崩于朝倉宮在位前後凡十一年帝好土功屢興
大役嘗使水工穿渠自香山西至石上山以船二百隻
運石上山石於宮東山壘以為垣材木朽腐委積山椒
費用不貲眾庶怨嗟云太子立是為天智天皇